



BUYUK KELAJAKNI BIRGA QURAMIZ!

BUXORO YOSHLARI

2019-YIL,
OKTABR, № 19-20
(415-416)

IJTIMOIY-SIYOSIY, MA'NAVIY-MA'RIFIY, ADABIY-BADIY GAZETA

2001-yil fevral oyidan chiqa boshlagan

BUXORO-YOSHLARI.UZ

@BY_GAZETASI



О! БУ, НА?! га
қалайсиз?

►2

BALOG'AT
EKATI

►4



ISH BOR-U,
ХОНИШ Ў'Q...

►3

Ёшлар иттифоқи ташаббуси билан "КИТОБ КАРВОНИ" акцияси ўтказилди

Тадбирда китоб тарғиботига оид кўргазмалар билан жиҳозланган 7000 мингдан зиёд китоблар ортилган автомашиналар 533 та мактаб томон ўйл олди.



"Тинчлик учун" акцияси АФГОНИСТОНДАГИ БОЛАЛАРГА ТУХФА

Ўзбекистон ёшлар иттифоқи Бухоро вилояти Кенгаши ташаббуси билан Афғонистон Ислом Республикасининг Ҳайратон ва Мозори шариф шаҳарларида истиқомат қилаётган ватандошларимиз ва уларнинг болалари учун "Тинчлик учун" республика ҳайрия акциясига ҳисса!" шиори остида меҳру-саҳоват тадбири ўтказилди.

Унга кўра, Афғонистонда яшаётган болалар учун зарур бўлган бадий китоблар, адабиёт намуналари, ўқув дарсликлири ва кийим-кечаклар, спорт анжомлари йиғилди.

Ёшлар ташкилоти билан бир қаторда меҳру-саҳоват акциясида Ўзбекистон Республикаси Президенти Администрацияси ҳузуридаги ахборот ва оммавий коммуникациялар агентлиги Бухоро вилояти бошқармаси, "Бухоро китоб олами" савдо мажмусаси, Иттифоқ муассислигидаги "Buxoro yoshlari" газетаси ва бошقا қатор жамоалар ҳамжиҳатлик билан иштирок этишиди.

- "Тинчлик учун" ҳайрия акцияси ҳаммамиз учун! Афғонистондаги ёшларга саховат кўрсатиш мақсади кўзда тутилган ушбу акция миллатимизга хос меҳни яна бир карра нағоён этди. Қўшнинг тинч бўлса, сен тинч, дейишганидек, афғон болалари учун, шунингдек, уруш, очлик ва хорлик кезаётган тупроқда яшаётган миллатдошларимиз учун эҳсон кўрсатишга бурчлимиз!- деди вилоят Кенгаши раиси Ҳамза Рӯзиев.

“ОБУНА-2020”



Хурматли газетхонлар! Ўзбекистон ёшлар иттифоқи вилоят Кенгаши "Обуна-2020" мавсуми бошланганини инобатга олиб, барчани ташкилот муассислигидаги "Buxoro yoshlari" газетасига обуна бўлишига чорлайди.

Ёшлар иттифоқининг туман, шаҳар Кенгаши, турли таълим муассасалари ҳамда корхона, ташкилот бошланғич ташкилотлари орқали обуна мавсумини уюшқоплик билан ўтказайлди!

ГАЗЕТАНИНГ БИР ЙИЛЛИК ОБУНА БАҲОСИ:

Бухоро вилоят "Матбуот тарқатувчи" шўъба корхонаси, "Ўзбекистон почтаси" ОАЖ Бухоро филиали, шунингдек, қатор обуначи ташкилотлар орқали – **120 000** сўмни; Тахририят орқали – **100 000** сўмни, имтиёзли обуна нархи -75000 сўмни ташкил этади. Обуна нақд пул, пул кўчириш орқали амалга оширилади.

Нашр индекси: **3051**

1000 дона обуна ташкилотчиларига

500 дона обуна ташкилотчиларига

250 дона обуна ташкилотчиларига

100 дона обуна ташкилотчиларига



НОУТБУК

ТЕЛЕВИЗОР

ЧАНГ ЮТГИЧ

МИКРОТҮЛҚИНЛИ ПЕЧ,

Шунингдек, бошқа рағбатлантирувчи совринлар тақдим этилади.

Эслатиб ўтамиш: ўтган мавсумда обунани ташкил этган қатор корхона, ташкилот ҳамда якка тартибда обуна уюштиришда ҳисса кўшганлар "Buxoro yoshlari" газетасининг қимматбахо совгапарига эга бўлишган. Имкониятни кўлдан бой берманг! "Обуна -2020" мавсумига шошилинг!

"Buxoro yoshlari" Сиз билан!

Газетамизни WWW.buxoro-yoshlari.uz сайти ҳамда [@by_gazetasi](https://t.me/by_gazetasi) телеграмм канали орқали ҳам кузатиб боринг!

ШОФИРКОН ЁШЛАРИГА ТУХФА



Шу пайтгача туманда оддий кинотеатр ёки аҳоли, айниқса, ёшларнинг маҳоратини оширадиган маданият муассасаси, маданий ҳордиқ чиқарадиган бирор маскан йўқ ҳисоби эди. Худди шу жиҳатга эътиборини қаратган маҳаллий ёш тадбиркор Камолиддин Қаюмов ташаббуси ва саъй-ҳаракати билан туман марказидаги узоқ йиллар қаровсиз қолган эски "Султон Жўра" номли кинотеатр биноси қайта таъмирдан чиқарилди "Зиё" ёшлар мажмусаси сифатида ёшлар ихтиёрига топширилди.

400 ўринли замонавий кинотеатр ҳам мукаммал таъмирдан чиқарилиб, ёшлар ихтиёрига берилди. Кинотеатрни замонавий русумдаги "З Г" кўриниши монитори ва проектор билан жиҳозлаш учун 27 минг АҚШ доллари сарфланган.

-Ушбу лойиҳа учун 3 миллиард сўм маблағ молиялаштирилган. Унинг тенг ярми "Yoshlar-kelajagimiz" жамғармаси ҳиссасига тўғри келади. -дейди мажмуа раҳбари К.Қаюмов.-Бу ерда айни пайтда 20 нафар ийтгит-қиз иш билан таъминланди. Тез орада, аниқроги, янги йилдан улар сафини яна 20 тага кенгайтириши режалаштирганимиз.

Мажмуанинг тантанали очишлида қатнашган вилоят ҳокими Ўқтам Барноев туман жамоатчилиги ва ёшларни ана шундай кенг имкониятга эга маскан билан муборакбод этди. Вилоят ҳокими маскандада яратилган шарт-шароит билан яқиндан танишар экан, ҳаваскор актёрлар тўғарагида вилоят ва республиканинг кўзга кўринган актёрларини таклиф этиб, маҳорат дарсларини мунтазам йўлга кўйиш, миллий чолгу асбобларни кўпайтириш, фитнес клуби ташкил этиш, ёшларнинг иқтидорини юзага чиқаришга хизмат қўйувчи бошқа тўғараклар ташкил қилиш борасида кўрсатмалар берди.



21-октябрь – Ўзбек тилига
Давлат тили мақоми
дерилган кун

Садафдек поксан-у, мангу улуғвор...

1989 йил, 21 октябрь...

Мустакиллик сари қўйилган қадам, буюк келажакка пойдевор бу кун. Ифтихорга тўлиб айтдик шукронга, тилга эрк-у ҳуқук бергани учун. Беш аср наридан бокар жилмайиб, қўлида қалами ҳазрат Алишер, бу кун деб умрини дорга тикканди, неча минг зотларим, тўкиб қон-у тер. Дилга озодликнинг суратин чизиб, муҳрлаб қўйгандек дилларимизга. Гўё қалбимизнинг қулфими очиб, эркинлик бергандек тилларимизга. Ўзбекмиз, таниди жумлайи жаҳон, йиллар бўхронига бера олдик зарб. Чўлпон-у бир ёнда Абдулла Қахҳор, Абдулла Қодирий турибди қараб.

Тилим — юртим битган таржимиҳи ҳол, ҳалқимнинг ўзлиги топгандир зуҳур. Эътиқод, иймон-у дуо, хидоят, ҳатто мужассамиди асрий тафаккур. Устоз Қошварийнинг қўлидаги шам,

асрлар йўлини ёрита олди. Юсуф Ҳос Ҳожибдан қолган ёдгорлик, мунглиф юракларга саодат солди. Форсийгўйлар тили бурро бўлган он, қўёшдек порлади ҳазрат Навоий, майдонга чиққанда нурли беш достон, номинг осмонларга қадалди боқий. Асл замирингда фазл ва ростлик. Садафдек поксан-у, мангу улуғвор. Мумкинмас қадрингни ногоҳ билмаслик, товланиша лаълдек ўтсан, жилвакор. Темур Қўрагондек дадилсан бешак, Бобурдек ўтқисан, севимлисан ё, мавлоно Лутфийнинг сўзидан учган, мангу порлагувчи кавкабсан гўё. Абуттурк давридан қолган ёдгорим, йиллар ювар экан, занг-у гардингни. Беҳбудий, Авлоний, Фурқат-у Чўлпон, англай ола билди дилда дардингни. Камтарсан, қўимтинган Муқимийсифат, жимжи-

Сўнгги илтижо

Қодирий ўлимидан олдин сўнгги илтижоси:

“Худо ҳаки, умрим сўнгиди, сенбериб тур. Ташорат олиб, икки ракат дат бер...” Унинг бу илтижоси татар командири томонидан бажарилади ва отиб ўлдирилади. (04.10.1938 й.)

“Мен тўғрилик орқасида бош кетса “их” дейдиган йигит эмасман... Кўнглида шамси губороти, тескаричилк мақсади бўлмогон содда, гўл, виўлим тансикроқидир. Бир неча шахсларнинг орзусича маънавий ўлим билан ўлдирилдим. Энди, жисмоний ўлим менга кўркунч эмасдир”.

А.Қодирийнинг сүддаги нутқи (1926 й.)

Эл озодлиги йўлида жон берган иймонли, вижданли, мард қаҳрамонларимиз ҳаки Давлат тилимизни эъзозлайлик!

ма этасан юлдузлар каби. Қалбим ором топар шеванг бол, ширин, олам гулзорида мисли андалиб.

Халқ бошига тушган қатли омларнинг, Ватан деб тикилган неча жонларнинг сафларида борсан жонажон тилим, онамнинг алласи — Онажон тилим. Ҳазрат Навоийдан сўра қадрингни, ёхуд Фитрат таърифингни сўйласин! Усмон Магаданда чеккан



Яхши тил

Нега тилнинг қафасга,
Солинганин ўйлаб кўр.
У қуруқдан қуруққа,
Солинмаган, сўраб кўр.

Тилнинг заҳри илондан,
Устунлиги аниқдир.
Илон заҳри - даволик,
Тилники бедаводир.

Илон чақса даволар,
Уни ҳар бир шифорок.
Инсон инсонни чақса,
Ҳар қандай даво бекор.

Ҳамма дардга даводир,
Фарзандларим яхши бол.
Умринг ҳам безаволдир -
Агар бўлса, яхши тил.

Файбулла Муродов,
Қоракўл тумани.

дардини, сенинг ила достон қилган, қўйласин! Тоинки барҳаёт бу кўхна олам, тоинки айланар бу курраи арз, тоинки бор экан ҳазрати одам, тоинки дилларда пок, илоҳий қарз, тоинки юлдузлар ёнганга довур, токи бобо офтоб кўкда муқаррар, Илоҳим, яшагин, эй, она тилим, токи чанг солмасин бирорта хатар.

Ситора ШАМС

Тилни асранг

Тилни асранг, бугун дўстлар, тилни асранг, Айримларда ярим бўлган дилни асранг. Тил бесуяк, ҳар неларни сўзламанг сиз, Сўнг пушаймон бўлиб деманг, эсиз, эсиз.

Дўстингизни ранжитманг сиз, зуккоман, деб, Сўзлабанда тили бийрон, устаман, деб. Айттар сўзни ўйлаб айтинг, безак бериб, Катта-кичик, қарип-шага бирдек бўлиб.

Огриитмангиз дилларини онангизнинг, Отангизнинг, ака-сингил, ошнангизнинг. Ширин сўз-ла, кўнглини топинг, десин мудом, Таълим берган устозингга минг офарин!

Тилдан келгай ҳар мусибат, ҳар яхшилик, Сара сўзлар толиб сўзлант, ҳудди илик - Ёғидайн ҳар кўнгилга у табаррук Малҳам бўлсин, тилни асранг, эй дўстларим, Тилни асранг, Тилни асранг!

Гулсора Шамсиева,
Бухоро шаҳри.

Нигоҳ

О! БУ, НА?! га қалайсиз?

Хориждан қайтган ҳамқишлоғим билан сұхбат ҷоғида ўзи бориб келган юртида нарх-наво, ҳалқнинг руҳияти, яшаш тарзи ҳақида фикрлашдик. Шунда ҳамқишлоғим сұхбат ассосида айттиб қолди:

- У юртда уч нарсада навбатда туришлар бор: Нонга, газетага, тақчил махсузларга.

Ҳамқишлоғимнинг бу гапидан фоят таъсирландим. Бизда нон учун, спиртли ичимлик учун ҳеч қачон навбатда туриш ўйғу, аммо газета-журнал, китоб олиш учун навбатда туриш – бизда қийин масала.

Юртимизда 2020 йил учун газета-журналларига обуна давом этмоқда. Одатда сентябрь, октябрь, ноябрь ойлари обуна мавсуми саналади. Тан олиш керак, ҳамиша газета ва журнallарга обунани ташкиллаштириш жараёни бирмунча қийин кечади. Оиласизга, ишхонамизга маънавият, маърифат зиёсини олиб кириш учун наҳотки, юқори ташкилотларнинг топширик, фармонларини кутишимиз керак?

Истиқлол йилларида Ватанимизда газета ва журнallар сони ортди. Сифат ва мазмундорлиги яхшиланди. Уларни наштиш замонавий технология ассосида ташкил этилди.

Дунёда мафкуравий кураш пинхоний



Нега ўзбек киноларида ҳаёт акс этмайди?

Кинода ҳаёт акс этади, дейишиди. Бугунги воқеаларни кузатиб туриб, ижтимоий мавзудаги кинолар нега ишлаб чиқилмаётганига ҳайрон қоламан. Масалан, бир оиланинг уйи бузилди. Ҳўш, уй эгаси қандай изтиробларни бошидан кечирди?

Инсоннинг мулкани қўриқлаши бу — муқаддас бурчи, аслида. Хорижнинг бир киносини кўргандим. Ерини ва ўйини олиб қўймоқчи бўлган зўровонларга ака-ука қочкиндиаг ўз отасини тутиб келиб беришга рози бўлади. Бир Ватанини сақлаб қолиш учун оила аъзоларнинг ҳаммаси курашади. Ўйда чақалок, унинг онаси ва ийгитларнинг онаси қолади, қўлида милитик билан. Қайнона ва келин эрқаклар қайтунича милтиқ билан ўйни қўриқлашади. Бу орада зўравонларнинг ўки қайнонага тегиб, ҳалок бўлади. Лекин келин шунда ҳам таслим бўлмайди. Қўриқлашда давом этади.

Уша киноларни кўрганимда, деярли барча томошабинлар оддий ҳалқ томонида бўлади ҳар доим. Чунки кино шундай ишланади. Сизда ўз мулкингизга, Ватанингизга дахлдорлик, егалик ҳисини ўйғотади.

Мана шундай киноларни кўриб болалар эртага бирор амалга ўтирганда бошқаларни ҳам ҳис қила оларди? Европанинг ривожланган мамлакатларининг ривожланишида улар ишлаб чиқаретган киноларнинг ҳам ҳиссаси бор. Эътибор берсангиз, ҳар бир соҳа, ҳар бир воқеа ҳодисаларга мос кинофильмлари бор. Ота билан бола, она ва бола, эр-хотин муносабати, ватанпарварлик, ҳаҳрамонлик, ўз

соҳасининг фидоийлари ҳақида-ку, гапирмаса ҳам бўлади. Уларнинг касб, ҳунар, соҳаларга оид киноларини кўриб туриб, ўша соҳага муҳаббатинг ошади. Ҳатто фаррош ҳақида олинган киносини кўриб, фаррошга ҳурматинг ошади. Оддий почталон ҳақидаги киносини кўриб почтчи, ўқитувчи ҳақидаги киносини кўриб, ўқитувчи бўлгинг келиб кетади. Имконияти чекланганларнинг имкониятларини шундай очиб беришади, соппа-соғ бўлиб туриб, ҳеч бир ишни койил қилолмаётганингдан афсусланиб кетасан.

Тўқиб чиқарилган турли ҳаҳрамонлар орқали адолатизлилкка учраган инсонни, ҳалқни ҳимоя қиладиганлар кашф этилади. Баъзида фантастикадай кўринган воқеалар ривожи инсоннинг ботинидаги инсонпарварликни, олижанбликин ўйғотади.

Мана, Андижондаги “спектакль” туфайли бир аёл Россияга кетмоқчи. Шунча шов-шувдан кейин ҳам унга ўй берилмайдиган бўлибди. Шу аёл образи орқали ишламаётган ташкилотлар, ўз ишига лоқайдай айрим раҳбарларни кашф қилишимиз мумкин. Шу аёл образи орқали нима учун аёлларга муносабатни билиш мумкин. Шу аёл образи орқали нима учун аёлларга муносабатни билиш мумкин. Шу аёл образи орқали нима учун аёлларга муносабатни билиш мумкин.

Киноларда турмушнинг Киноижодкорлар ҳалқ билан қўшилиб бирга йиғласин, кечалари ўйкуси ўчсин. Ҳатто ҳуқуқлари поймол бўлаётган айрим инсонлар билан бирга кўйинишишсан, изтиробларини англашсан. Шундагина бизнинг киноларда ҳам ҳаёт акс этади....

Ўз мухбиришим



ISH BOR-U, XOHISH YO'Q...

Bugungi kun odami – har jahbada ilg'or, yaxshi hayot kechirishga astoydil yondashadigan va eng muhimi, o'z bahosini biladigan inson. Tinimsiz rejalar, g'oyalar, tashabbuslar ishlab chiqar ekanmiz, bu sa'y-harakatlar zamirida farovon hayot haqidagi orzu-niyatlarmiz yotadi. Jamiyatda "qimirlagan jon" borki, mehnati natijasini ko'radi.

Ilgari zamonlardagidek, bir g'oyani amalga oshirish uchun yillab kutishning, butun hayotni shu maqsad yo'llida sarflashning hojati yo'q. Tezkorlik har bir shaxsiga bir vaqtning o'zida o'nlab maqsadlarga erishish imkonini beradi. Ma'rifatparvar bobolarimiz orzu qilgan va bu yo'lda jonini tikkan kunlarga biz – O'zbekistonning baxtli yoshlari yetib keldik. Qachonlardir ilm o'rganish maqsadida Olmoniyu- Osiyoni darbadar kezgan, hatto o'z yurtiga qaytib, ilm urug'ini sochishiga to'sqinlik qilingan XX asr yoshlaridan imkoniyat nuqtayi nazaridan tubdan farq qilamiz. Ammo yaratilgan sharoit, o'tkazilayotgan islohotlarga javoban "labbay" deya javob bera olyapmizmi?

Azizbek oilaning yolg'iz farzandi. Onasi maktabda o'qituvchi bo'lishiga qaramay, o'g'lini Rossiya Federatsiyasida ishlashini qo'llab-quvvatlaydi. "To'g'ri-da", har oy bir yarim million oylik qayerda-yu, dang'illama uy-joy, mashinaga uch yilda ega bo'lish qayerda. Ammo bu uzundan-uzoq, tuqannas orzu-havaslar qanday yo'qtishish ortidan kelayotgani kishini tajjubga soladi.

Oliy ma'lumotli bo'lsam-da, qaynonam meni ham o'g'li bilan birga chet davlatda ishlashimni xohlaydi. Bolalarimning biri qaynonamda, biri onamnikida. Gohida ularni sog'inib, hammasiga qo'l siltab, O'zbekistoniga qaytgim keladi. Farzandlarim bo-bo'vuning qo'lida tantiq, erka bo'lib o'sayotgani alam qiladi. Ularga mehr va tarbiya kerak bo'igan paytda yonida emasman. Sovuqda sog'ligimni ham

yo'qtodim, – deya dardini to'kib soladi dugonam.

Tengdoshlarim bilan suhbatlashganimda ish yo'qligidan shikoyat qili-shadi. Davlat ishida ishlashdan ko'ra, kunlik ishlarda pul topishni afzal ko'ri-shadi, – deya fikrlarini o'rtoqlashdi BuxDU bиринчи bosqich magistranti Maftuna Nurboyeva. – Bu borada tajribam borligi uchun gaplariga kulib qo'ya qolaman. Aslida, davlat ishida ishlash bu – e'tibor va iqtidor, harakat va samarali mehnat, degani. Juda ko'p yoshlarimizda faoliyat uchun asosiy hisoblangan mas'uliyat tuyg'usi yo'q. Ayrimlar yengil-yelpi yashashni, bugun pul topib, tunganmas megabaytlar sotib olishni, interneta tonggacha oldi-qochdi suhbatlar qilishni, eng so'nggi rusumdagisi telefon sotib olib, maqtanishni xush ko'rishadi. Ularning nazidagi hayot ana shu.

Yoshlarning ishlasang bo'lmaydimi, degan so'roqqa javoban ish yo'q, deya javob berishlari hayratlananli. Intilmagan, izlamagan odam topa olmasligi, tabii. Aslida bugungi kunda ish topishdan osoni yo'q. Bo'sh ish o'mni bilan maxsus shug'ullanadigan ko'plab saytlar bor. O'ylab qaralsa, yoshlarimizning o'zi biroz mas'uliyatsizroq. Qaysidir davlat tashkilotiga ishga kirsa, hali ish tajribasiga ega bo'lmay va ko'nikma hosil qilmay turib, boshqa korxona, tashkilotni ko'zlab "yo'la qo'chiqishadi".

"Maoshi kam", "zerikarl", "bosholig'im yoqmad", degan vaj-korsornlari qala-shshtirib tashlashadi. Holbuki, ko'chirib o'tkazilaveriladigan ko'chatda xayr bo'lmaydi, "Daraxt bir joyda ko'karadi", degan ibora bejizga aytilmagan.

E'tibor qaratadigan bo'lsak, manaman, degan rahbarlar, davlat arboblari ham o'z faoliyatlarini oddiy ishlardan boshlashgan, tajriba orttirishgan. Mehnat, sabr-toqat, intilish evaziga o'zlarini istagandan-da ziyyodroq marta-balarga ega bo'lishgan.

"Humo qushi"ning boshga qo'nishi

bu - tasodif emas. Tashabbus, izlanish, harakat va albatta, egzu maqsad sari intilgan odam ko'zlangan marraga yetadi. Ishlashdan maqsad faqat pul topish emas, jamiyatda o'z mavqeysi ga erishish, yurt uchun misqolcha bo'lsa ham foyda keltirish, o'zligini kashf etish oliy maqsad bo'lishi kerak, chamamda. Demak, harakat va timimsiz izlanishlar ortidan qilingan mehnat har bir insони halol rizq manziliga yetaklaydi.

Darvoqe, inson nega dunyoga keladi?! Moddiy hayotni chetga surmasdan bu savolga javob beraylik. Rizq topish va bu yo'lda halol mehnat qilish yer yuzida o'rmalagan har bir mavjudotning tabiiy ehtiyoji. Ammo o'zining tinch va osoyishta Vatanida pul topish imkon bo'la turib, chet elda rangi sarg'ayib yurishni oqlab bo'lmaydi. O'z elida paxta terishni, qo'y boqishni or bilib, o'zga yurtlarda cho'chqa yetaklab yurganlarni eshitsam, xafa bo'lib ketaman. Ishlash asnosida bilim yurtlarda o'qib, ilm olayotganlar ham ko'pchilik ekanligini o'ylab, ko'nglim taskin topadi. Ayrim odamlarning ish yo'q, degan bahonasiga ish bor-u, sizginada xohish yo'q, degim keladi.

Sitora SHAMSIDDINOVA,
"Buxoro yoshlari" gazetasi
muxbiri.

Keksalar haftaligi

Uyimizning farishtalari



Keksa avlod vakillarini ijtimoiy qo'llab-quvvatlash, jamiyatdagi o'mini yanada oshirish maqsadida viloyat hokimligi hamda yoshlar ittifoqi viloyat Kengashi tashabbusi bilan viloyat kasaba uyushmalari tashkilotlari birlashmasi Kengashi, viloyat Madaniyat boshqarmasi va "Nuroniy" jam'armasi viloyat bo'limi hamkorligida "Keksalar haftaligi" o'tkazildi. Buxoro yoshlar markazi tantanalar zalida keksa otaxon-u onaxonlar uchun ko'ngilochar dasturga quchoq ochdi.

Ijtimoiy-ma'naviy muhitni barcharolashshtirish, ehtiyojmand, mehr-muruvvatga muhtoj, boquvhisis qolgan keksa va nogironligi bo'lgan fuqarolarni moddiy-ma'naviy qo'llab-quvvatlashga qaratilgan mazkur loyihasi dasturidan o'rın olgan "Keksalar maslahati" yoshlar uchun katta iibrat maktabini o'tadi.

Viloyatimizning har bir tumani, shahridan to'plangan otaxon-onaxonlar "O'zbekiston bo'ylab sayohat qil" ichki turizmi rivojlantirish dasturidan ham bahramand bo'lishdi. Tarixiy sha-

harning diqqatga molik qadamjolari va ulug' ziyoratgohlariga sayohatda bo'lgan keksa avlod vakillari o'z mammuniyatlarni izhor qilishdi.

- Yoshlarimizga rahmat. Biz keksalar ko'ngliga yoshlik kayfiyatini olib kirishdi. "Ark", "Sitorai Moxi-Xossa" muzeylariyu, bir nechta ziyoratgohlarda bo'ldik. Ulkan va mahobatli teatrdan spektakl tomosha qildik. Teatrga kirmaganimga o'n yildan oshgan-ov. Yoshiqlika qaytdim. Chiroyli va go'zal umrguzaronlik barcha o'g'il-qizlarimizga nasib etsin. Duodamiz,-dedi Buxoro tumanilik Sohib Muxtorov.

"E'tibor va g'amxo'rlik - insoniy burch" shiori ostida bayram dasturxonasi va milliy kuy-navolar uyimizning farishtasi bo'lgan otaxon-onaxonlar uchun munosib tortiq bo'ldi.

Ma'lumot o'rniда: "Keksalar haftaligi" doirasida shifokorlardan iborat guruhlar tuzilib, "Tibbiyot avtobusi" shiori ostida mahallalarda istiqomat qilayotgan keksalar chuqurfastritilgan tibbiy ko'riklardan o'tkazildi.

Madina Barotova

Ittifoqdan xabarlar

VOBKENT TUMANI

"Rozmoz" MFY 17- hamda 36-umumiyo o'rtalim maktabida yoshlar ittifoqi Vobkent tumani Kengashi tashabbusi bilan tuman bosh imom xatibi, tuman ma'naviyat va targ'ibot markazi bilan hamkorlikda "O'quchvi yoshlar ni g'oyaviy tahdidlar va turli yot g'oyalarining zararli ta'siridan himoya qilish" mavzusida davra suhbatni o'tkazildi. 110 nafr yosh qatnashdi. To'planganlarga davra suhbatidan so'ng "Adashganlar qismati" hujatli filmi namoyish etildi.

SHOFIRKON TUMANI

"Quvnoqlar va zukkolar" ko'rik-tanlovining tuman saralash bosqichida 3 – umumiyo o'rtalim maktabining "Yorqin yulduzlar" jamoasi, 6- maktabning "Jaya" hamda 25-maktabning "Champion" jamoasi, 30- maktabning "Shovshuv" jamoasi va 36- maktabning "Rock start" jamoalarini ishtirok etdi. Jamoalar 3 ta shart asosida bellashdi. Natjaga ko'ra, "Jaya" jamoasi 1- o'rinni, "Champion" jamoasi 2- o'rinni hamda "Shovshuv" jamoasi 3 – o'rinni egalladi.

KOGON TUMANI

"Tomorqa – daromad manbai"

Tumandagi 16-umumiyo o'rtalim maktabining 12 nafr tadbirkorlikka qiziquvchi bitiruvchi sinf o'quvchilarini "Tomorqa-daromad manbai" mavzusida o'tkazilgan Agro sayohatda bo'lishdi.

"Istiqlol" mahalla fugarolar yig'ini Qalilqondiyo qishlog'ida istiqomat qiluvchi, Sohib Mahmudov g'alladan bo'shagan 4 hektar yerga tariq mahsulotini ekkan. Yosh fermer ekilgan tariq o'simligi 60 kun davomida pishib yetilishi haqidagi tushuncha berdi. Hosildorlik natijasida har gektaridan 2 tonnadan mahsulot olinadi va jami 8 tonna tariq yetishtiriladi. Har ikki oyda ming AQSH dollarini miqdorida sof daromad olinadi.



"Men – liderman"

"Men - liderman", "Men - sardorman" tu-shunchasi har qanday yoshni ham ruhiy, ham jismoniy quvvatga yetaklaydi. Bu hayot tajribasida sinalgan. Zero, "lider" tushunchasi ke-channing gapimas. Chorak asri, liderlik yoshlarimiz uchun begona emas.

Liderlik, sardorlik maqomi yoshlarga katta ishonch va mas'uliyat yuklaydi. U tengdoshlarini o'zining egzu g'oyalari, loyihalari ortidan ergashtirib, ulami ijtimoiy faoliyka chorlay olishi lozim.

Maktablarda tengdoshlari orasida namuna bo'lgan, yoshlarni har sohada taraqqiyot sari odimlashga undaydigan yoshlarni saralash maqsadida Buxoro yoshlar markazida "Ittifoq" va "Kamalak" sardorlarining 2019-2020 o'quv yili uchun saylovi bo'lib o'tdi.

Saylovda ishtirok etish istagini bildirgan 234 nafr yoshlar uchun viloyatning tajribalari trenerlari tomonidan "PR va tadbirlarni tashkil qilish", "Liderlik va sardorlik ko'nikmalar", "Jamoani shakllantirish" mavzularida va "Bola huquqlari to'g'risida"gi Konvensiya bo'yicha mahorat darslari o'tkazildi.

Saylov yopiq ovoz berish yo'li bilan o'tkazidi va natijalarga ko'ra eng faol, bilimdon, liderlik qobiliyatiga ega va tashabbuskorlar viloyat Sardorlar kengashi a'zoligiga saylandi.

Madina Barotova

G'IJDUVON TUMANI

Prezidentim tashabbusi - yoshlarning yurak so'zi!

Beshta muhim tashabbusni amalga oshirish maqsadida tumanadagi 27-son umumiyo o'rtalim maktabida "Prezidentim tashabbusi - yoshlarning yurak so'zi" nomli tadbir tashkil qilindi. Unda yoshlar ishtirokida 5 tashabbusni o'z ichiga olgan barcha ijodiy chiqishlar, sahna ko'rinishlari, yosh sportchilarning "master klass" chiqishlari namoyish etildi. Iqtidorli, talabchan, zukko hamda namunalni xulqi bilan o'z tengdoshlari o'rnak bo'lib kelayotgan yoshlar badiiy kitoblar jamlansiga ega bo'ldi.

QOROVULBOZOR

Siz bilan go'zaldir zamona qizlar

Xalqaro Qizlar kuni munosabati bilan Qorovulbozor tumani xotin-qizlar qo'mitasiga, yoshlar ittifoqi tuman Kengashi, BNQIZ boshlang'ich tashkiloti, tuman xalq ta'limi bo'limi, tuman maktabgacha ta'lim muassasasi bo'limi hamkorlikda madaniy dastur tashkil etildi. Umumiy o'rtalim maktablari va maktabgacha ta'lim muassasalarini tomonidan tayyorlangan kuy-qo'shiqlar, jozibador raqslari to'planganlarga zavq ulashdi.

Faoi va tashabbuskor qizlar rag'batlantirildi. Viloyatimizning har bir tumani, shahridan to'plangan otaxon-onaxonlar "O'zbekiston bo'ylab sayohat qil" ichki turizmi rivojlantirish dasturidan ham bahramand bo'lishdi. Tarixiy sha-

BALOG'AT BEKATI



Keling, umumiy fikrlardan qochaylik-da, balog'at yoshidagi o'g'il-qizlarni suhbata chorlaylik. Biz suhbatalashgan ayni balog'at yoshidagi bolalar jafokash o'qituvchilaridan saboq olishgan. Tarbiya o'rorganishgan. Bu o'quvchilarning fikrlarini, orzu-havaslarini bilish maqsadida bir nechta savollar bilan murojaat qildik.

Savol: Qaysi gazeta va jurnallarni o'qiyisizlar?

Nigora, 14 yosh:
- "Tong yulduzi"ni o'qiyman.

Abdusalom, 15 yosh:
- Men ko'proq "Darakchi"ni mutolaa qilaman.

Savol: Yaxshi, aytinlar-chi, sizlarning yoshingizda siftdosh o'g'il bola bilan qiz bola orasidagi iliq munosabat nima bo'lishi mumkin?

Malik:
- Menimcha, bu do'stlik bo'lsa kerak. Chunki, men ham qiz siftdoshlarimdan do'stlarim ko'p.

Chinora:
- Bunday savollarga javob berishim juda qiyin... Men dan fanlar haqidagi so'rang.

Hojjakbar:
- Yo'q, menimcha, bu do'stlik emas. Chunki, men hayotda o'z sintdoshiga turmushga chiqqan yoki uylan-gan insonlarni ko'p uchrataganman. Menimcha, bu sevgi bo'lsa kerak. Bu holat xuddi o'zimda ham sodir bo'ldi. Uning kimligini esa aytishni xohlasmayman.

Sadriddin:
- Bilmayman. Hali bunday munosabat menda bo'lgani yo'q.

Savol: Hozir men sizlarga maktab-barchangiz barobar "ha" deysiz-yaxshi ko'rishingizni, mehringizni amalda qanday ifoda qilasiz?

Nigora:
- Har kuni maktabdan qaytayot-ganimda mena hech kim tayinlamagan bo'lsa ham sinf derazasi oynalariz yopilganligiga, sinf anjomlari joy-joyida ekanligiga ishonch hosil qilib, keyin ketaman.

Abdusalom:
- Men o'qituvchilarimning darsda asabini buzmashlikka, uya bergen vazifalarini doimo a'lo bajarishga harakat qilaman.

Farzand tarbiyasi

(Buni albatta, o'qing... Ayniqla, onalar!)

Mashhur bolalar yozuvchisi
Astred Lindgreening fikricha,
dunyodagi vahshiylik bolalar
xonasida boshlanar ekan.

1979 yilda Astred Lingredning bir nutqidan so'ng Shvetsiya birinchilardan bo'lib bolalarni oilada urish mumkin emasligi haqida qonun chiqaradi.

Astred Lingred o'z nutqida quyidagi hikoyani so'zlab beradi:

Bir ona hech qachon farzandini urmaslikka o'ziga va'da beradi. Lekin shunga qaramay, bir kuni o'g'lining nojo'ya harakati tufayli uni jazolamoqchi bo'ladi. U davrlarda bolani chiviq bilan urish keng tarqalgan jazo turi edi. Shunda ona o'z farzandiga borib ko'chadan bir nechta chiviq olib kelishini buyurgan. U chiviq bilan uring uni jazolashini bolasiga aytgan. Bola uzoq vaqtga yo'q bo'lib ketib, birozdan so'ng ko'zi yoshdan shishib yetib kelgan. Faqat qo'lida chiviq emas kattagina tosh bo'lgan. Onasi hayron bo'lib, toshga qarasa, bola unga yig'lab: "Chiviq topa olmadim, lekin meni jazolash uchun shu toshni topib keldim, uni menga otsangiz bo'ladi", degan.

Shunda ona ushbu holatga bolaning ko'zi bilan qaragan. "Onam menga og'riq keltirmoqchi bo'lsa, nima farqi bor, qanday yo'l bilan unga erishadi, chiviq bilan uradimi yoki menga tosh otadimi..." Shunda ona yig'lab yuboradi. Kim bolasiga tosh ota olarkan. Chiviq bilan urishning undan nima farqi bor?

Hech qachon jismoni jazo bolani to'g'ri yo'lda sola olmaydi. Chunki bola bu jazoga qanday qarashini biz ota-onalar bilmaymiz. Bola yomon ish qilib qo'ygan uchun uni jazolab, esida qolishi uchun urishishganini tushunmaydi. U himoya qiladigan, sevadigan va ishongan inson-ona unda og'riq keltirayotganini his eta oladi, xolos.

Shuning uchun Astred Lingred vahshiylik aynan bolalar xonasida boshlanadi, deb ta'kidlagan. Chunki bola uchun eng qadrli inson – onasi unda og'riq keltirib, buni har xil gaplar bilan tag'in oqlab turayotgan bo'lsa, u holda boshqalardan nima kutsa bo'ladi, boshqalarga nimani ravo ko'rsa bo'ladi?

Axir dunyodagi vahshiyliklar ham doimo har xil oqlovlar bilan amalga oshirilmaydimi?!

Mana, siz kelajagimiz ishonchli yoshlari qo'lida ekanligini oddiygina bir matabning balog'at yoshidagi o'quvchilar timsolida ko'rdingiz. Demak, kelajagimiz ishonchli qo'llarda bo'lishi ustozlarga, ularning qay darajada dars o'tishliga bog'liq ekan.

"DAMAS" AVTOBOMILI KIMNIKI BO'LADI?

Buxoroda "Dona bilim-dolr" Respublika tan-lovingi viloyat bosqichi start oldi. Ushbu tanlov "Dona nashriyoti" mas'uliyati cheklangan jamiyat, O'zbekiston Matbuot va ax-borot agentligi, Xalq ta'limi vazirligi va boshqa tashki-lotlarning hamkorligining natijasidir.

Bunda qatnashchilar adabiyot yo'nalishi bo'yicha bel-lashdilar. Ishtirokchilar "Ada-biyot olamida", "Sirlar so'zlar sinovi", "Mushoira", "Kim ko'p she'r biladi?", kabi shartlar bo'yicha bahs yuritishdi. Ya-kunda Romitan tuman jamoasi birinchi, shofirkonliklar ikkinchi, Buxoro shahri vakillari uchinchi o'rinni qo'iga kiritishdi. G'oliblarga o'z maktablari kutubxonasi fondini boyitish uchun 3, 2 va 1,5 million so'mlik sertifikatlar hamda diplomlar topshirildi.

-Bu tanlov o'quvchilarning adabiyotga mehr-u muhabatini oshirish, ularning dunyoqarashini kengaytirishga xizmat qiladi, - deydi tanlovda Buxoro shahri sharafini himoya qilgan kitobxonalar jamoasi rahbari, 35 – umumta'lum maktabi o'qituvchisi Mahfuza Ergasheva, - Qush uyasida ko'rganini qiladi, degan naql bejiz aytilmagan. Shundan xulosa qilib, barcha imkoniyatlardan foydalaniib, ota – onalarini gazeta, jurnal, kitob mutolaa bilan shug'ullanishga da'vat etaman.

Ta'kidlash joizki, "Dona bilimdonlar" tanlovi nizomiga muvofiq, tadbirning respublika bosqichi g'olib "Damas" avtomobili bilan taqdirlanadi. G'olib nomi "O'zbekiston Respublikasining Davlati tili to'g'risida"gi Qonuni qabul qilinganiga 30 yil to'lishi arasida e'lon qilinadi.

Sahifani Zulfizar tayyorladi.

Jismim aro jon o'zing

Aziz zoti mukarram,
Sendan yaralgan toqat.
Yuraklarda jo'sh urib,
Turadi noming faqat.

Har qadamda yoding-la,
Yashayman, ey, ulug' zot.
Hayot doimo sen-la,
Totli erur barhayot.

Bas, yetar, chekding shuncha,
Qancha azob-u zahmat.
Doim yonimda turib,
Bo'l endi sog'-salomat.

Jismim aro jon o'zing,
Har bir so'zingda hikmat.
Duogo'yim, jannatim,
Borliging uchun rahmat.

Oq sutingga munosib,
Farzand bo'lay, onajon.
Doston bitib nomingga,
Ash'or aytay, bir jahon.

Mohigul Xalilova,
Buxoro Tibbiyot kolleji
o'quvchisi.

Yaxshi tarbiya - eng go'zal kashfiyot

Barcha kashfiyotlar ichida eng go'zali yaxshi tarbiya olgan insondir. Chiroyli xulq, namunali tarbiya va go'zal fe'i - atvorga ega bo'lgan farzand oila va Vatan suyanchi bo'la oladi.

XIX asrda yashab, ijod etgan buyuk adiblar Abdulla Avloniy, Fitrat farzand tarbiyasi xususida o'z asarlarida katta e'tibor berib o'tgan. Abdulla Avloniy o'z asarida "tarbiya biz uchun yo hayot - yo mamot, yo najot - yo halokat, yo saodat - yo falokat masalasidir", - deb aytgan bo'lsa, turkiy adabiyotning yetuk namoyondasi Abdurauf Fitrat ham o'z asarlarida oila va farzand tarbiyasi mavzusiga alohida e'tibor qaratgan.

Adib farzand tarbiyasi ota-ona uchun og'ir mas'uliyatlari vazifa ekanligini bot-bot ta'kidlab o'tadi. Bunda ota-ona o'rnik vazifasini bajarishini uqtiradi. Adib tarbiyani uch qismidan iborat, deb bilidi: bola tarbiysi, aqly tarbiya va axloqiy tarbiya. Ular bir-biriga shunday bog'liq yaqinchi, biriga zarar tegsa, boshqasida ham nuqson paydo bo'ladi.

Farzand tarbiyasi masalasi hayot binosining poydevori bo'lganligi sababli bu vazifa muhim va ancha mushkuldir. Garchi har bir inson beshikdan to qabrgacha tarbiya olish qobiliyatiga ega bo'lsa-da, lekin uni bolalikdan tarbiyalash ta'sirliq va muhimdir.

Zarina Nafetdinova,
Romitan tuman 27-umumiy O'rta ta'lim maktabi
o'qituvchisi.

So'zleri tillo onam

Onam mening yagonam,
Mehribonim, durdonam,
Sensan yorug' koshonam,
Onam, onajonginam.

Qalbing pokdir guldan ham,
Tiling shirin boldan ham,
Sensan umrimga hamdam,
Onam, onajonginam.

Ko'zing qora tun kabi,
Yuzing yorug' nur kabi,
So'zing tillo, dur kabi,
Onam, onajonginam.

Sardorbek Nuriddinov,
Buxoro tumanidagi
18-umumiy
o'rta ta'lim maktabi
o'quvchisi.

БУХДУ: ЯНГИ ЎҚУВ БИНОСИ ЗАМОНАВИЙ ҚИЁФАДА

Жорий ўқув йилида Бухоро Давлат Университети филология факультети ўқув биноси ўз фаолиятини бошлади.

Филология факультети жамоаси янги бинога кўчиш масаласида бироз иккиланишган эди. Аммо янги бинода амалга оширилган сифатли таъмир ишлари, қолаверса, ишлаш, ўқитиш, ўкиш, тўғрирофи, имл бодини яратиш, яшнатиш учун яратилган шарт-шароитлар ҳар қандай иккиланишларга чек кўя олди.

10-15 йиллар олдин ҳам шахар кўчаларида конденсионерли автобуслар қатнови йўлга кўйилиши ёки дарс хоналаримизда электрон доска бўлиши мумкинлигини хаёлимизга ҳам келтира олмас эдик. Ҳа, ўзгаришлар кўп. Бу борада қийинчиликлар ҳам бисёр. Зеро, ҳеч бир ютуқ машиқатларсиз эришиб бўлмайди. Бироқ масаланинг яна бир томони бор: танланган йўлнинг тўғрилигини барчага бирдек англатиш, тушунириш кийин.

8 нафар фан доктори, 26 нафар



фан номзоди фаолият кўрсатаётган мазкур филология факультети жамоасига 5ta кабинет, 32 та ўқув хонаси,

120 ўринли фаоллар зали ажратилган. Бинонинг кираверишидаги кенг саҳнида қарийб 500 кишига мўлжалланган тадбир ва учрашувлар ўтказиши имконияти яратилган. Барча хоналарда кузатув камералари ўрнатилган ва интернет тармоғига уланган. Факультет учун ажратилган 2 та smart доскага E-minbar уланган.

Талабалар ҳамда профессор-ўқитувчиларга мўлжалланган умумий овқатланиш хонаси, ювениш ҳамда тозалик хонарининг бино ичидаги жойлашуви ҳам факультет жамоаси учун яратилган қулайликлардан биридир.

Маълумот учун: Бухоро шаҳридаги собиқ ахборот технологиялари лицейи, шунингдек, Бухоро туманидаги Маданият касб-хунар коллекциялари 32 та таъмиридан чиқарилиб, Бухудунинг филология ҳамда тупроқшунослик факультетларига берилган.

Фар талаба таҳсил олади. Улардан 194 нафари ўзига хос турли инновацион лойиҳалари билан муваффақиятга эришган. "Ислом Каримов" номли Давлат стипендияси соҳиби Ибоджон Исмоилов, "Ибн Сино" номли Давлат стипендияси соҳибаси Вазира Қиличова, "Veritas vocatio victoria" халқаро танлови 1-ўрин галибаси Тоҳтажон Салимовлар шулар жумласидан. Уларни инновацион фаолиятга жалб этиш мақсадида "Инновациялар билимлар ва фояларни маблағларга айлантириш", "Инновациядан фоядан ишлаб чиқаришга", "Ихтиро ва фойдали мадделлар яратиш ҳамда расмийлаштириш асослари", "Инновацияларни амалиётга жорий этиш: кеча, бугун, эртага", "Инновацион маҳсулотларни тижоратлаштириш асослари" мавзуларида мастер-класслар ўтказиб келинмоқда.

Институт жамоаси эришаётган ютуқлар ва ўқув даргоҳида яратилаётган имконияти ва талабаларга қаратилаётган эътибор келажакда ўз ишининг мутахассиси ва инсонлар саломатлигини таъминловчи яхши шифокорлар бўлиб этишишига хизмат қиласди.

**Неккадам НУРАЛИЕВ,
БДТИ проректори.**



Халқимизда "Илм кўкка етказар", деган нақл бор. Дарҳақиқат, бугун ўзининг интилишлари, ўтқир салоҳияти ва мустаҳкам илми билан таълим, фан мэрраларини забт этиб келаётгандар, илм кошоналари бисёр. Бухоро Давлат


тиббиёт институтини шундай билим масканлари сирасига киритиш мумкин. МДХ ва хориж мамлакатлари (Австрия, Нидерландия, Корея, Япония, Франция, АҚШ, Англия, Эстония, Киргизистон, Россия, Украина, Белоруссия, Қозоғистон) билан яқин алоқалар ўрнатган мазкур олийгоҳ ўқитувчи ва талабалари ҳам ўзининг саъӣ-ҳаракати, билими билан муваффақиятларга эришиб келишмоқда.

Жўмладан, биргина 2018-2019 ўқув йилида институт профессор-ўқитувчилари томонидан 14 та диссертация муваффақиятли химоя қилинган.

Уларнинг илмий салоҳияти ўтган йилда 42,8 фоиз ташкил этган бўлса, ҳозирда бу кўрсаткич 47,7 фоиз етган. Ўқув даргоҳида 4 та халқаро грант мавжуд бўлиб, улар асосида 8 нафар профессор-ўқитувчilar Италия, Словакияда 1 ойлик малака оширишда бўлиб қайтишган.

Айни пайтда олийгоҳда 2307 на-

ҚАЛБГА ЗИЁРАТ



кучи етадиган кекса ёш сургун қилинди. Шу ёшлар ичидаги бўлган 12-13 ёшли ўспирин қиз хотираларини шундай ҳикоя қиласди:

"Канал қурилишига бориш хабари келганда, менда эътироz туғилмаган. Сабаби отамнинг гапига қаршилик қилолмасдим. Отам эса канал қурилишига ака-сингилларим орасидан танловсиз равишида мени ёздирган. Онамнинг орқасидан келган фарзанд бўлганим учун шунга қарор қилгандир. Боз устига у ёқда бажарадиган вазифамини жуда оддий, қийинчиликларсиз тасвирлашган: "Бир-икки белкурак

шагални ташиб берасизлар".

Ҳанузгача онам нега отамга норозилик билдиримагани, ҳали кўп нарсага ақли етмайдиган қизини олиб қолишига уринмагани ҳақида ўйлайман. Менда кўркув бўлмаган, онамдан ўзок кетмаганим учун соғинч ҳисси ҳақида ҳам ҳеч нима билмасдим.

Бизни, мен ва ҳамқишлоқларимни катта машинага жойлашди. Ўйда бир неча бор тўхтаб, амаллаб, Сирдарёга етиб бордик. Қанчалик оғир эшишилса-да, мен бошимдан ўтган кунларни душманимга ҳам рово кўрмасдим. Тўрвага солинган

10-15 кило юкни пастдан тепага олиб чиқардик. Ҳар қалай, нимжонгина, онасининг бағрида пилдирраб юрган қиз учун бу жуда мушкул вазифа эмаси ва яна эрталаблик ва тушлик бир қилиб бериладиган, кечки овқатга нон ва сувдан бошқа нарса бўлмаган шароитда".

Ҳаёт - моҳир мусаввир. У 16 ёшида онаси бағрига қайтаётган қизнинг юзида, ички оламида бардошлилик, дадиллик, қатъиятини чизишига улгурганди. Орадан иккى йил ўтиб, қаҳрамонимиз ҳаётидаги янги саҳифа очилди. У ота ўйидан ўзокроққа Кумушкент қишлоғига узатилди. Ҳар кимнинг сабрига яраша дард, кувонч берилар экан. Тақдирининг ҳукми билан янги оиласининг фарзанд борасида омади чопмади. Она бирин-кетин иккى фарзандини Яратганинг хўзурига юборди. Бундай оғир жудоликдан сўнг, оиласиб муносабатлар кўпга бормай, Истат она ўйига қайти.

4-5 йил ўтиб, янги оила қурди. Дунёда инсончалик қўникувчан мавжудот ийк. Тақдир экан, бу оила билан умрининг охиригача яшади. Фақат фарзанд неъматидан бебахра үтди. Умр йўлдошини ардоқлади, қийинчиликларни елқама-елка туриб қаршилади. Бир аёл бажариши мумкин бўлганидан ҳам ортигини қилди. Улар бирга ўттиз йилдан зиёд колхозда ишлаб, 10

Фаровонлик гарови!



Бухоро вилояти ёнғин хавфсизлиги бошқармаси томонидан хизмат интизоми ва қонун бузилиши, спиртили ичимлик истемол қилган холда транспорт воситаларини бошқариш, хизмат ва шахсий автоуловларни йўл-ҳардакларга қоидаларига риоя этмаган ҳолда бошқариш оқибатида келиб чиқаётган салбий ҳолатларнинг олдини олиш борасида доимий равишда кўрсатмалар бериб борилмоқда.

Шу муносабат билан, вилоят ЁХБ ходимлари ва уларнинг оила аъзолари билан Ўзбекистон Республикаси Президенти ва Фавкулодда вазиятлар Вазири томонидан кўйилаётган талаблар, ходимлар томонидан хизмат интизоми ва қонун бузилиш ҳолатларининг олдини олиш борасида Бухоро "Мусиқали драма театри"да давра сухбати ташкил этилди.

Тадбир Бухоро ҳарбий прокурори, Адлия полковники Улугбек Абдираҳимов ва вилоят ИИБ бошиғининг маслаҳатчиси истеъфодаги полковник Ҳаёт Шарипов томонидан олиб борилди.

- Эрталаб хизматга эзгу ният билан юрт осойишталигини таъминлаш, фуқароларнинг ҳукуқ ва эркинликларни химоя қилишни дилига жо қилган ходим оиласидан кўнгли тўқ, хотиржам чиқиб кетсагина ҳар қандай вазифани аъло даражада уddyалайди. Зеро, бу хизмат самарадорлигини оширишда мұхим омил ҳисобланади, – деди Улугбек Абдираҳимов.

Шунингдек, ҳозирги кунда ҳарбий хизматчиларга хизматни олиб боришида яратилаётган қуай шарт-шароитлар, тизимда бўлаётган ислоҳотлар ҳар бир ходимга катта масъулият ва ишонч юкландиганини ва шубу вазифаларни самарали ва сифатли бажариш борасида ҳар бир ходимдан бугунги кунда ижроқилик ва хизмат интизомига қатийриоя қилиш талаб этилиши таъкидланди.

Тадбир Бухоро Драма театри актёрлари томонидан "Разолат курбонлари" спектакли намойиши билан якун топди.

**Шокарим Хушназаров,
Бухоро вилоят ЁХБ бошлиғи,
полковник.**

йилдан кўпроқ нонвойлик қилишди.

Истат буви умр йўлдошидан кейин, тўқсон ёшида ёлғизлида омонатини топшириди. Буви ҳакида қариндош уруғ, қўни-қўшинидан сўрасак, битта гапни айтишади: "Қўли очик, бафрикенг, ҳазилкаш аёл эди. Юзидаги табассуми юкумли эди. Уйига келганинг чўнтағи сира бўш қайтмасди. Қуртми, ҳолвами, қандми, нимадир илинار, олмаганингизга қўймасдилар. Қарз сўраб чиқсан одам борми, кўнглидан ўтказиб, бирор юмушини бажаришга келган ёки овқат кўтариб, ҳол-ахвол сўраган борми, қўли тўлиб жўнарди. Шу йўл билан бирордан қарздан, бирорга оғирлиги тушишдан қочарди гўё.

Бу бир ўзбек аёлининг сабри, ўзбекчилигидан ортиқ нарса бўлмаса керак. У жамиятда фаол аёл бўлолмади, саводи чиқиб, тайинли китоблар ҳам ўқиёлмади, оналик баҳтидан ҳам бегона эди. Бироқ Истат буви кўнгли буюрганини баҳарди, ўзи тўғри, деб билган ишни қилди, умр идидан сира нолимади. Бир кўнглини кўтариш Каъба зиёратига тенглаштиради. Ҳа, у ўз кўнгли учун яшади, бирор эмас, ўзи ўз қалбини зиёрат килиб турди.

**Зуҳра АБДУҲАЛИМОВА,
"Buxoro yoshlari"
жамоатчи мухбири.**

АМИР АБДУЛАҲАДХОН РЕЗИДЕНЦИЯСИ

Бухоро шаҳридан 12 км узоқлиқда манғит амирлари томонидан европача услубда курилган бу сарой бир асрдан ошироқ вақт мобайнида инсониятни ҳайратга солмоқда.

Коғон шаҳрининг рамзий дарвозаси темирйўл вокзали қаршисида жойлашган ушбу сирли қароргоҳ Амир Абдулаҳадхон резиденциясидир.

Коғон шаҳри аслида пайдо бўган пайтида Янги Бухоро, деб номлангани тариҳдан маълум. Илк темирйўл айни шу ҳудудга етиб келгани боис, қатор рус ҳукматининг бошқарув бинолари мазкур жойда сақланиб қолган. Шаҳар яқин тарихга эга бўлса-да, аммо у ердаги иншоотлар даврнинг ижтимоий-сиёсий муносабатларини ўрганишга ёрдам беради. Абдулаҳадхон саройи ҳам Бухоро ва рус ўлкаси элчилик муносабатлари ва дипломатиясида муҳим ўрин тутган тарихий обидалардан бириди.

Бухоро амири Абдулаҳадхон Петербургда бўлиб қайтгандан сўнг, рус подшоси император Николай II ни Бухорога тақлиф этишини ният қилади. Айни шу мақсадда, императорлар хонадонига тўла мос ва хос услубда, замонавий архитектура талаблари асосида муҳташам сарой курилиши режалаштирилади. Сарой қурилиши архитектор А.Л. Бенуа чизган лойиҳа асосида, муҳандис Дуброва бошчилигига амалга оширилган. Бинонинг бунёд бўлиши 1895 йил 14 августанда бошланиб, 1903 йил ниҳоясига етган. Айрим манбаларда саройнинг тўлиқ таъмирдан чиқиши учун 8 йил вақт кетганлигига амин бўлиш мумкин. Мъемор Бенуа Янги Бухорога шахсан Тошкент архитектура бошқармаси бошлиғи Генсельман томонидан юборилгани сарой қурилиши ўта муҳим аҳамиятга эга эканидан далолат беради. Гарчанд саройга Николай II ташриф буюрган бўлмаса-да, аммо унинг тогаси Константин саройни кўриш баҳтига мусассар бўлган.

Сарой қурилиши лойиҳасида башарти 300 минг рубл белгиланган бўлса-да, аммо амалда 350 000 рубль сарфланган. 120 йиллик тарихга эга сарой мустаҳкам асоса ўрнатилгани билан эътибор туриб, ажнабийларнинг сух-



лидир. Меъморий иншоот пойдеворини ковлаш учун 1 йил вақт кетиб, қумлар араваларга ортиб ҷиқарилган. Бино уч қатор тоғ ҳарсангтошлари устига бунёд этилган. Бундан ташқари, подшо саройига намлиқ, заҳ таъсир қиласиши учун унинг атрофи бўйлаб учта ҳалқасимон дринажлар ўрнатилгани кишини лол қолдиради.

Уч қаватли маҳобатли иншоотга тўрт томондан кириш эшиги бўлиб, асосан портал қисмининг икки томонидан кирилган. Ўз вақтида бу кириш йўлаклари зинали бўлиб, ён томонларида машъалалар ёник турган. Бинонинг биринчи қаватида балл зали, маестро хонаси, тўртта ётоқхона, йирик кутубхона, фарбона ошхона ҳамда қабулхона заллари ўрин олган. Ушбу қаватдаги рақс базмлари зали архитекторлар таъкидича, Александрия театрига ўхшаб кетади. Иккинчи қаватда эса иккита ашула ва хор хонаси ҳамда назоратчи соқчилар хонаси жойлашган.

Саройиботларга бой саройнинг сирлилиги шундаки, бир подшонинг иккинчи подшо учун сарой курдирганидадир. Учинчи қавати айни кузатувчиликар учун бўлиб, у ердан турнилган. Шаркона архитектурани эса гирихий, ислимиш нақшлардан теран англаш мумкин. Рус декорацияси нақшлари атрофида мусулмон безакларининг берилганлиги диккатга сазовор. Бино бурчакларидаги гулдасталарда гвоздика гуллари кўзга ташлаади. Аммо унинг атрофларида ояту калималар зикр этилган. “Ла иллаҳа иллоҳу Мұхаммадан расуулolloh” калимаси араб тилида аксарият жойларда битилганига кўзингиз тушади. Шунингдек, тўрт томондан тўрт хил кўринишга эга саройнинг олд томони Европача кўринишда. Орқа томони эса мусулмон меъморчилиги асосида. Сабаби, орқа томондаги нақшнинкор 12 устунли ёроч айвон қабулхона залига олиб киради.

Саройнинг ички безаклари ҳар бир сайдоҳи зиёратчини мафтун этиши, шубҳасиз. Ранг – баранг безаклар коллекцияси, табият манзулари, рангдор шишалардан жилваланиб тушаётган кўёш нурлари инсониятни сеҳрлаб кўяди. Ичма-ич хоналарнинг баландлиги 4-6 метргача бўлиб, 17 метрли балл зали саройнинг энг маҳобатли хонаси саналади. Кенг ва ёруғ рақс залида овал шаклида

табиат манзарапари акс этган картиналар бўлиб, унда тўрт фасл ўз аксини топган. Айниқса, зал марказини тўлдириб турган диаметри 200 см.ли қорайтирилган кумуш қандил чинакам мўъжиза бўлганига шубҳа ўйк. Чунки олмалар ва очилаётган гулларга ўхшаш биллур қандил баллдагиларни ром этган.

Амир Абдулаҳадхон қароргоҳининг иситиша ва совутиш тизимининг пухта ўйлангани мұхандисларимизнинг тенгиз ақлу заковатидан дарак. Хоналар бўйлаб ўрнатилган бешта голланд печларининг тутунлари қиши маҳали бир метрлик қалинилдаги девор оралигини иситган. Девор устунлари, яъни калонналар ичидаги сув тўлдирилган трубалар хонага салқинлик улашган. Конализация тизими ҳам ўта аниқлик асосида ишлаб чиқилган.

Қароргоҳга ташриф буюрган меҳмонларга хизмат кўрсатувчи ҳодимларнинг ҳам алоҳида бинолари бўлиб, 8 та тошдан курилган уйлар саройнинг орқа томонидаги боғдан ўрин олган. 1899 йилги статистикаларга кўра, айни шу ҳудудда 1,5 минг киши истиқомат қилиб, улар таркибида арманлар, грузинлар, татарлар, немислар, озарбайжонлар, шунингдек, 865 нафар сардлар ҳам бўлишган. Айни миллат вакиллари саройга хизмат кўрсатганига шубҳа ўйк. Бундан ташқари, саройнинг икки ён томонида ер тўлалар бўлиб, мазкур жой отхона вазифасини ўтаган.

Муҳташам саройнинг гўзаллиги унинг кўркам боғи билан бир бутун. 4 гектарли боғ ҳудуди ноёб дараҳтлар – Бразилия каталласи, рус акацияси, Адама олмаси кўр тўкиб турган. Уларни кўкартириш учун аввалига ерга саксовул экиб, шўрланиши йўқотилгани манбаларда учрайди. Боғни барпо этишда эса 7 йиллик меҳнат сарфланган. Маълумотларга кўра, боғдаги дараҳтларнинг ҳар бири бир дақиқада 60 кг кислород ишлаб чиқарди. Боғ чамбаракларига чирмашиб ўсадиган Россиянинг баяришни ўсимлиги эса табиий яшил деворни ҳосил қилган. Салқинлик улашувчи сарҳовуз эса кишиларга хузур баҳш этган. Узоқдан сарой боғ бағридаги кўшк бўлиб кўринган.

Темир йўл вокзалидан саройга тош ётқизилган бўлиб, келган меҳмон ушбу маҳсус йўлак орқали саройга ташриф буюрган. Саройнинг уч томонида рус учли минораларилик ишланган кўш дарвозалардан меҳмонлар қарши олинган.

Сиро синоатларга бой сарой бир неча марта таъмирланиб, реставрация қилинган. Ҳозирда бино атрофи темирйўлчилар истироҳат боғига айлантирилиб, сарой маданият ўйи сифатида фаолият кўрсатмоқда. Шаҳар кутубхонаси, кинозал ва маданий муассасалар айни шу бинони. Келгусида саройни сайёҳлик йўналишига киритиш вилоят туризм салоҳиятини юксалтирибгина қолмай, яъни тарихимиздан кенг жамоатчиликни хабардор этиши, шубҳасиз.

Шавкат БОБОЖОНОВ,
Бухоро давлат
университети,
Бухоро тарихи
кафедраси ўқитувчиси.

Солиқ янгиликлари

Йил охирига қадар 1251 та янги иш ўрни яратилиши ростми?

Бухорода йил охирига якунига қадар 12 751 та янги иш ўринлари яратилади. Маълумотга кўра, 2019 йилнинг ўтган даврида 210 дан ортиқ лойиҳалар ишга туширилган ва 4 200 та янги иш ўринлари яратилган. Жумладан, саноат йўналишида 63 та инвестиция лойиҳалари амалга оширилиб, 2 564 та янги иш ўрни, қишлоқ ҳўжалиги йўналишида 71 та инвестиция лойиҳалари асосида 882 та, хизмат кўрсатиши йўналишида 82 та инвестиция лойиҳаларига кўра, 715 та янги иш ўринлари яратилган.

Жорий йилнинг якунига қадар 275 та инвестиция лойиҳалари ишга туширилиши кўзда тутилган. Бунинг натижасида яна 12 751 та янги иш ўрни яратилиши режалаштирилган.

41 000 га яқин ишчиларнинг фаолияти легаллаштирилди

Вилоят давлат солиқ идоралари ҳамда бандлик ва меҳмон муносабатлари бошқармалари ҳодимлари томонидан норасмий фаолият юритаётган ишчиларни легаллаштиришга қаратилган тадбирлар давом этмоқда.

Бухоро вилояти ДСБ Ахборот хизмати маълум қилишича, бундан кўзланган мақсад, солиқ қонунчилиги бузилишларининг олдини олиш, солиқдан қочиш ҳолатларига барҳам бериш ва конверт усулида иш ҳақи олаётган фуқароларнинг ҳак-хукукларини тикишдан иборат.

Легализация ишлари камерал назорат ҳамда хронометраж усулларида олиб борилмоқда.

Бунгли кунга қадар вилоятдаги 12 мингдан ортиқ ҳўжалик юритувчи субъектларда 40 628 нафар ҳодимларни легаллаштиришга эришилган.

ККС тўловчилар сони 3 539 тага кўпайди

Маълумотга кўра, жорий йил бошида вилоятда кўшилган қиймат солиги тўловчилар сони 381 тани ташкил этган. 1 октябрдан бошлаб эса улар сони 3 539 тага ошган. Жумладан, 79 та АЕКШ, 405 нафар импортер корхона, 3 055 та фермер ҳўжаликлари кўшилган қиймат солигини тўлашга ўтган.

Эслатиб ўтамиш, Ўзбекистон Республикаси Президентининг 2019 йил 26 сентябрдаги “Ўзбекистон Республикасининг солиқ сиёсатини янада токомиллаштириш чора-тадбирлари тўғрисида”ги Фармонига мувофиқ, жорий йилнинг 1 октябрдан кўшилган қиймат солиги ставкаси (ККС) амалдаги 20 фоиздан 15 фоизга пасайлан.

6000 тадбиркор ўз бизнесини қайта бошлади

Вилоятда тадбиркорлик фаолиятини кўлаб-куватлаш ва уларни қўйнаб келаётган масалаларни ҳал этиш мақсадида тизимили ишлар олиб борилган.

Бунинг натижасида йилнинг шу даврига қадар фаолиятини тўхтатган 6 000 дан ортиқ тадбиркорлик субъектларига якундан ёрдам берилиб, улар фаолияти қайта тикланган.

332 нафар юридик шахс, 5 710 нафар якка тартибдаги тадбиркор шулар жумласидан. Айни пайтда вилоятда жами 52 900 дан ортиқ тадбиркорлик субъектлари мавжуд.



МУАССИС:
ЎЗБЕКИСТОН ЁШЛАР
ИТТИФОҚИ БУХОРО ВИЛОЯТИ
КЕНГАШИ

БОШ МУХАРРИР:
Лайло ҲАЙИТОВА

ТАҲРИР ҲАЙЪАТИ:
Жамол НОСИРОВ
Ҳамза РЎЗИЕВ
Гулнора САМИЕВА
Шерзод АШУРОВ
Суҳроб НУРОВ

ТАҲРИРИЯТ МАНЗИЛИ:
Бухоро шаҳри, Алишер Навоий
кўчаси, 20-йи.
Телефон: (0365)770-00-56

ТАҲРИРИЯТ ХИСОБ-РАҶАМИ:
2021000404114165001 "Агробанк"
Бухоро шаҳар филиали, МФО:
00089, ОКОНХ: 87100, СТИР: 203590296
Нашр кўрсаткичи: 3051

**САҲИФАЛОВЧИ
ДИЗАЙНЕР:**
Хуршид АБДУЛЛАЕВ

ISSN 2181-6557



Газета "Buxoro bosmaxonasi" МЧЖда
1152 нусхада босилди.

Босмахона манзили:
Бухоро шаҳри, И. Мўминов кўчаси, 27-йи
Тел: (0365)223-25-38

Навбатчи: Ситора ШАМСИДДИНОВА

Ҳажми 2 босма тобоб. Қоғоз бичими А-2. 473 -буюртма.
Топширилди — 10:00. Чоп этиш вақти: 11:00
Баҳоси келишилган нарҳда 26.09.2019 йил

www.buxoro-yoshlari.uz сайтси орқали биз билан бирга булинг.